

## Dūšeliau mona

Aš viel Vilniou. Vės mon galvuo tuos pabrongosės dojės, sāka, ka Gazpruoms tiktā mums pabrongēna dojės. Aš pasakīsisio tēisē: bjaurībē tas Potēns. Kuo gera viel nuor prarītē Lietova. Ka ons paspringtom.

Musiet aš Vilniou ēlgiau ožsēbūsio. Alē toro dar vēina laisva bota. Vēinuo truobuo gīvēn Sēlvestros. Ons jau ēssēkraustē. Ta, sāka, gali parēt tēn gīventē. Ēr Juokūbieli rēk pakavuotē.

Vēina karta skombēn ēš Labraduora ēr sāka: „Galiesē ēr ontra truoba atsērakintē, rakts skrabēnalie ont lēntīnas. Ons sorūdējēs – atskērsi“.

Vēdo so Ontuonoko pasēknaisiuojiuom pu lēntīnas, soraduom ton skrabēnēkē so rakto. Apsēdžiaugiau: galiesio vēinuo truobuo apsēgīventē ēr nareikies mon laiškū rašinietē.

Novāžioujau vēdo so Ontuono i ton bota. Truoba šveisi, grindēs dekēs ēškluotas. Čē galiesi to būtē.

Miegēnuom atrakintē ontra truoba – rakts natelp. Ontoks ēkēš anou i alīva – nanuoriedams ēsmoka.

Atēdaruom dorēs – vuo čē dēdžiausis pakajos: suopka, puotelē, krasēs brongiausio aksuomo aptrauktas. Vuo unt sēinas abruozdelē. Apačiuo parašīta: „Putinas“.

Matā, dūšeliau mona, kor ana čē pasēkavuojosi laika. Dēl tuo ēr naleda ēētē. Ale to, Jeruonēmelē, galiesē čē ēr nēt – aš čē gīvensio. Potēna ontruo posie ēsēdieso sava mama ēr apverso atbolā. Juk tēp gerā bus, Jeruonimā? Vēdo landsbergistā – bējuom tuo Potēna kāp māra.

Tavē mīlonti Levonuora.

P.S. Jeruonēms atvažīavēs paaiškēna, ka čē na tas Potēns – kēts. Vuo Alē skombēn na ēš Labraduora, vuo ēš Labanuora.